

四庫全書

集部

欽定四庫全書

集部
御定全唐詩錄卷五十一

詳校官左中允_臣 瑋五珠

主事銜_臣 徐以坤覆勘

總校官原任中允_臣 王燕緒

校對官中書_臣 田尹衡

謄錄監生_臣 俞鳳

欽定四庫全書

御定全唐詩錄卷五十一

李賀

賀字長吉系出鄭王後七歲能辭章韓愈皇甫湜
始聞未信過其家使賀賦詩援筆輒就自目曰高
軒過二人大驚自是有名為人纖瘦通眉長爪能
疾書每旦日出騎弱馬從小奚奴背一古錦囊遇
所得書投囊中未始先立題然後為詩如他人牽

合程課者及暮歸足成之非大醉弔喪日率如此
過亦不甚省母使婢探囊中見所書多即怒曰是
兒當嘔出心乃已耳以父名晉肅不肯舉進士愈
為作原諱然卒亦不就舉所作樂府數十篇雲韶
諸工皆合之絃管位不過奉禮與游者權璩楊敬
之王參元撰著時為所取年止二十七

杜牧序為
二十七李

商隱傳為

二十四

杜牧序曰元和中韓吏部亦頗道其歌詩雲烟絲

聯不足為其態也水之迢迢不足為其情也春之
盎盎不足為其和也秋之明潔不足為其格也風
檣陣馬不足為其勇也瓦棺篆鼎不足為其古也
時花美女不足為其色也荒國侈殿梗莽丘隴不
足為其怨恨悲愁也鯨吐鼉擲牛鬼蛇神不足為
其虛荒誕幻也蓋騷之苗裔理雖不足辭或過之
騷有感怨刺懟言及君臣理亂時有以激發人意
及賀所為得無有是賀能探尋前事所以深歎恨

古今未嘗經道者如金銅仙人辭漢歌補梁庾肩
吾宮體謠求取情狀離絕遠去筆墨畦逕間亦殊
不能知之賀生二十七年死矣世皆曰使賀且未
死少加以理奴僕命騷可也

東觀餘論云李賀逸詩凡五十二首按唐李公藩
掇賀詩為之序未成聞知賀有外兄與賀有筆
硯舊召見託以搜採放失其人諾且請曰某盡記
篇章竄改處多願得公所輯視之當為定正公喜

併付之彌年絕跡後召詰之乃云某與賀中表自
幼同處恨其倨忽嘗思報之今幸得公所藏兼舊
有者悉投溷中矣公大恚叱之出嗟慨良久故賀
章什流傳者少今世所行杜牧所叙方四卷耳此
逸詩奚非李藩所藏之一二乎

古體詩

還自會稽歌

并序

庾肩吾於梁時嘗作宮體謠引以應和皇子及

國勢淪敗肩吾先潛難會稽後始還家僕意其
必有遺文今無得焉故作還自會稽歌以補其

悲

野粉椒壁黃濕螢滿梁殿臺城應教人秋衾夢銅輦吳
霜點歸鬢身與塘蒲晚脈脈辭金魚羈臣守迤賤

詠懷

長卿懷茂陵綠草垂石井彈琴看文君春風吹鬢影梁
王與武帝棄之如斷梗唯留一簡書金泥泰山頂

蜀國弦

楓香晚花靜錦水南山影
驚石隊猿哀竹雲愁半嶺涼
月生秋浦玉沙粼粼光
誰家紅淚客不忍過瞿塘

走馬引

我有辭鄉劍玉鋒堪截雲
襄陽走馬客意氣自生春
朝嫌劍花淨莫嫌劍光冷
能持劍向人不解持照身

申胡子膺策歌

并序

申胡子朔客之蒼頭也朔客李氏本亦世家子

得祀江夏王廟當年踐履失序遂奉官北郡自稱學長調短調久未知名今年四月吾與對舍於長安崇義里遂將衣質酒命予合飲氣熱杯闌因謂吾曰李長吉爾徒能長調不能作五字歌詩直強迴筆端與陶謝詩勢相遠幾里吾對後請撰申胡子膺策歌以五字斷句歌成左右人合噪相唱朔客大喜擊觴起立命花孃出幕裒徊拜客吾問所宜稱善平弄於是以弊辭配

聲與予為壽

顏熱感君酒含嚼蘆中聲花孃簪綏安休睡芙蓉屏誰
截太平管列點排空星直貫開花風天上驅雲行今夕
歲華落令人惜平生心事如波濤中坐時時驚朔客騎
白馬劍弣懸蘭纓俊健如生猱肯拾蓬中螢

長歌續短歌

長歌破衣襟短歌斷白髮秦王不可見旦夕成內熱渴
飲壺中酒飢拔隴頭粟淒淒四月闌千里一時綠夜峯

何離離明月落石底徘徊沿石尋照出高峯外不得與
之游歌成鬢先改

感諷

合浦無明珠龍洲無木奴足知造化力不給使君須越
婦未織作吳蠶始蠕蠕縣官騎馬來獐色虬紫鬚懷中
一方板板上數行書不因使君怒焉得詣爾廬越婦拜
縣官桑牙今尚小會待春日晏絲車方擲掉越婦通言
語小姑具黃梁縣官踏澆去簿吏復登堂

南山何其悲鬼雨灑空草長安夜半秋風前幾人老低
迷黃昏逕裏裏青櫟道月午樹無影一山唯白曉漆炬
迎新人幽曠螢擾擾

贈陳商

長安有男兒二十心已朽楞伽堆案前楚辭繫肘後人
生有窮拙日暮聊飲酒祇今道已塞何必須白首淒淒
陳述聖披褐鉏鉏巨學為堯舜文時人責衰偶柴門車
轍凍日下榆影瘦黃昏訪我來苦節青陽皺太華五千

仞劈地抽森秀旁古

古字疑作古字

無寸尋一上夏牛斗公卿

縱不憐寧能鎖我口
李生師太華大坐看白晝逢霜作

樸檄得氣為春柳
禮節乃相去顛顛如芻狗風雪值齋

壇墨組貫銅綬臣妾氣態間
唯欲承箕箒天眼何時開

古劍庸一吼

題趙生壁

大婦然竹根中婦春玉屑
冬暖拾松枝日烟生蒙滅木

蘚青桐老石井水聲發
曝背卧東亭桃花滿肌骨

送韋仁實兄弟入關

送客飲別酒，千觴無赭顏。
何物最傷心，馬首鳴金鑲。
野色浩無主，秋明空曠間。
坐來壯膽破，斷目不能看。
行槐引西道，青梢長攢攢。
韋郎好兄弟，疊玉生文翰。
我在山上舍，一畝蒿碕田。
夜雨叫租吏，春聲暗交關。
誰解念勞勞，蒼突唯南山。

蘇小小墓

幽蘭露如晔，眼無物結同心。
烟花不堪剪，草如茵，松如

蓋風為裳水為珮油壁車久相待冷翠燭勞光彩西陵
下風吹雨

李憑箜篌引

吳絲蜀桐張高秋空山凝雲顏不流江城曉竹素女愁
李憑中國彈箜篌崑山玉碎鳳凰叫芙蓉泣露香蘭笑
十二門前融冷光二十三絲動紫皇女媧鍊石補天處
石破天驚逗秋雨夢入神山教神媪老魚跳波瘦蛟舞
吳質不眠倚桂樹露脚斜飛濕寒兔

殘絲曲

垂楊葉老鶯哺兒殘絲欲斷黃蠶歸綠鬢少年金釵客
縹粉壺中沈琥珀花臺欲暮春辭去落花起作迴風舞
榆莢相催不知數沈郎青錢夾城路

送沈亞之歌

并序

文人沈亞之元和七年以書不中第返歸於吳
江吾悲其行無錢酒以勞又感沈之勤請乃歌
一解以勞之

吳興才人怨春風桃花滿陌千里紅紫絲竹斷驄馬小
家住錢塘東復東白藤交穿織書笈短策齊裁如梵夾
雄光寶礦獻春卿烟底鷺波乘一葉春卿拾材白日下
擲置黃金解龍馬攜笈歸江重入門勞勞誰是憐君者
吾聞壯夫重心骨古人三走無推掣請君待且事長鞭
他日還轅及秋律

春坊正字劍子歌

先輩匣中三尺水曾入吳潭斬龍子隙月斜明刮露寒

練帶平鋪吹不起
蛟胎皮老蒺藜刺礪
鶻淬花白鷗尾
直是荆軻一片心
莫教照見春坊字
按絲團金懸麗敷
神光欲截藍田玉
提出西方白帝驚
嗷嗷鬼母秋郊哭

雁門太守行

黑雲壓城城欲摧
甲光向日金鱗開
角聲滿天秋色裏
塞上燕支凝夜紫
半卷紅旗臨易水
霜重鼓寒聲不起
報君黃金臺上意
提攜玉龍為君死

幽間鼓吹云賀以
歌詩謁韓公時公

送客歸極困解帶讀之首篇
乃雁門太守行即束帶見之

大堤曲

妾家住橫塘紅紗滿桂香青雲教縮頭上髻明月與作
耳邊璫蓮風起江畔春大堤上留北人郎食鯉魚尾妾
食猩猩唇莫指襄陽道綠浦歸帆少今日菖蒲花明朝
楓樹老

夢天

老兔寒蟬泣天色雲樓半開壁斜白玉輪軋露溼團光
鸞珮相逢桂香陌黃塵清水三山下更變千年如走馬

遙望齊州九點烟一泓海水杯中瀉

唐兒歌

頭玉硤硤眉刷翠杜郎生得真男子骨重神寒天廟器
一雙瞳人翦秋水竹馬梢梢搖綠尾銀鸞睽先踏半臂
東家嬌孌求對值濃笑書空作唐字眼大心雄知所以
莫忘作歌人姓李

綠章封事

為吳道士
夜醮作

青霓扣額呼宮神鴻龍玉狗開天門石榴花發滿溪津

溪女洗花染白雲綠章封事咨元父六街馬蹄浩無主
虛空風氣不清冷短衣小冠作塵土金家香街千輪鳴
揚雄秋室無俗聲願攜漢戟招書鬼休令恨骨填蒿里

河南府試十二月樂辭

錄八首

上樓迎春新春歸暗黃著柳宮漏遲薄薄淡靄弄野姿
寒綠幽風生短絲錦牀曉卧玉肌冷露臉未開對朝暝
官街柳帶不堪折早晚菖蒲勝綰結

正月

飲酒採桑津宜男草生蘭笑人蒲如交劍風如薰勞勞

胡燕怨酣春薇帳
逗烟生綠塵金翹
我髻愁暮雲沓
颯起舞真珠裙
津頭送別唱流水
酒客背寒南山死
二月

東方風來滿眼春
花城柳暗愁殺人
複宮深殿竹風起
新翠舞衿淨如水
光風轉蕙百餘里
暖霧驅雲撲天地
軍裝宮妓掃蛾淺
搖搖錦旗夾城暖
曲水漂香去不歸

梨花落盡成秋苑

三月

曉涼暮涼樹如蓋
千山濃綠生雲外
依微香雨青氛氳
膩葉蟠花照曲門
金塘閒水搖碧漪
老景沈重無驚飛

墮紅殘萼暗參差

四月

裁生羅伐湘竹帔拂秋霜簟秋玉炎炎紅鏡東方開暈
如車輪上徘徊啾啾赤帝騎龍來

六月

星依雲渚冷露滴盤中圓好花生木末衰蕙愁空園夜
天如玉砌池葉極青錢
獸舞衫薄稍知花簟寒
曉風何拂拂北斗光闌干

七月

離宮散螢天似水竹黃池冷芙蓉死月綴金鋪光脈脈
涼苑虛庭空澹白露花飛飛風草草翠錦爛斑滿層道

雞人罷唱曉
瓏璵鳴金井
下疎桐

九月

玉壺銀箭曉難傾
缸花夜笑凝
幽明碎霜斜舞上羅幕
燭龍兩行照飛閣
珠帷怨卧不成眠
金鳳刺衣著體寒

長眉對月鬪彎環

十月

天上謠

天河夜轉漂迴星
銀浦流雲學水聲
玉宮桂樹花未落
仙妾采香垂珮纓
秦妃捲簾北窻曉
窻前植桐青鳳小
王子吹笙鵝管長
呼龍耕烟種瑤草
粉霞紅綬藕絲裙

青洲步拾蘭苔春東指羲和能走馬海塵新生石山下

浩歌

南風吹山作平地帝遣天吳移海水王母桃花千遍紅
彭祖巫咸幾迴死青毛驄馬參差錢嬌春楊柳含細烟
箏人勸我金屈卮神血未凝身問誰不須浪飲丁都護
世上英雄本無主買絲繡作平原君有酒惟澆趙州土
漏催水咽玉蟾蜍衛娘髮薄不勝梳看見秋眉換新綠
二十男兒那刺促

秋來

桐風驚心壯士苦衰銓絡緯啼寒素誰看青簡一編書
不遣花蟲粉空蠹思牽今夜腸應直雨冷香魂弔書客
秋墳鬼唱鮑家詩恨血千年土中碧

帝子歌

洞庭明月一千里涼風雁啼天在水九節菖蒲石上死
湘神彈琴迎帝子山頭老桂吹古香雌龍怨吟寒水光
沙浦走魚白石郎閒取真珠擲龍堂

秦王飲酒

秦王騎虎遊八極，劍光照空天。自碧羲和敲石玻璃聲，
劫灰飛盡古今平。龍頭瀉酒邀酒星，金槽琵琶夜枱枱。
洞庭雨脚來吹笙，酒酣唱月使倒行。銀雲櫛櫛瑤殿明，
宮門掌事報一更。花樓玉鳳聲嬌獍，海綃紅文香淺清。
黃鵠跌舞千年觥，仙人燭樹蠟烟輕。清琴醉眼淚泓泓，
李夫人

紫皇宮殿重重開，夫人飛入瓊瑤臺。綠香繡帳何時歇，

青雲無光宮水咽
翩翩桂花墜
秋月孤鸞驚啼
商絲發
紅壁闌珊懸佩瑤
歌臺小妓遙相望
玉蟾滴水雞人唱
露花蘭葉參差光

金銅仙人辭漢歌

有序

魏明帝青龍元年八月詔宮官牽車西取漢孝
武捧露盤仙人欲立置前殿宮官既拆盤仙人
臨載乃潸然淚下唐諸王孫李賀遂作金銅仙
人辭漢歌

茂陵劉郎秋風客夜聞馬嘶曉無跡畫欄桂樹懸秋香
三十六宮土花碧魏官牽車指千里東關酸風射眸子
空將漢月出宮門憶君清淚如鉛水衰蘭送客咸陽道
天若有情天亦老攜盤獨出月荒涼渭城已遠波聲小

湖中曲

長眉越沙採蘭若桂葉水蒸春漠漠橫船醉眠白晝閒
渡口梅風歌扇薄燕釵玉股照青渠越王嬌郎小字書
蜀紙封巾報雲鬢晚漏壺中水淋盡

宮娃歌

蠟光高懸照紗空
花房夜擣紅
守宮象口吹香毳
毳暖
七星挂城聞漏板
寒入呆恩殿
影昏彩鸞簾
額著霜痕
啼蛄弔月鈎欄下
屈膝銅鋪鎖
阿甄夢入家門上
沙渚
天河落處長洲路
願君光明如太陽
放妾騎魚撒波去

勉愛行二首送小季之廬山

錄一首

別柳當馬頭
官槐如兔目
欲將千里別
持我易斗粟
南雲北雲空
脈斷靈臺經
絡懸春綫
青軒樹轉月
滿牀下

國飢兒夢中見維爾之昆二十餘年來持鏡頗有鬚辭
家三載今如此索米王門一事無荒溝古水光如刀庭
南拱柳生蟻螯江干幼客真可念郊原晚吹悲號號

致酒行

零落棲遲一杯酒主人奉觴客長壽主父西游困不歸
家人折斷門前柳吾聞馬周昔作新豐客天荒地老無
人識空將牋上兩行書直犯龍顏請恩澤我有迷魂招
不得雄雞一聲天下白少年心事當挈雲誰念幽寒坐

嗚呃

公莫舞歌

并序

公莫舞歌者詠項伯翼蔽劉沛公也會中壯士
灼灼於人故無復書且南北樂府率有歌引賀
陋諸家今重作公莫舞歌云

方花古礎排九楹刺豹淋血盛銀甕華筵鼓吹無桐竹
長刀直立割鳴箏橫楣麤錦生紅緯日炙錦媽王未醉
腰下三看寶玦光項莊掉箭欄前起材官小臣公莫舞

座上真人赤龍子
芒碭雲瑞抱天迴
咸陽王氣清如水
鐵樞鐵棐重束關
大旗五丈撞雙環
漢王今日頒秦印
絕臚刳腸臣不論

胡蝶飛

楊花撲帳春雲熱
龜甲屏風醉眼纈
東家胡蝶西家飛
白騎少年今日歸

後園鑿井

井上轆轤牀上轉
水聲繁絲聲淺情
若何荀奉倩城頭

日長向城頭住一日作千年不須流下去

開愁歌

華下作

秋風吹地百草乾華容碧影生晚寒我當二十不得意
一心愁謝如枯蘭衣如飛鷄馬如狗臨岐擊劍生銅吼
旗亭下馬解秋衣請貫宜陽一壺酒壺中喚天雲不開
白晝萬里閒淒迷主人勸我養心骨莫受俗物相填殞

秦宮詩

并序

漢人秦宮將軍梁冀之嬖奴也秦宮得寵內舍

故以驕名大噪於人子撫舊而作長辭以馮子
都之事相為對望又云昔有之詩

越羅衫袂迎春風玉刻麒麟腰帶紅樓頭曲宴仙人語
帳底吹笙香霧濃人間酒暖春茫茫花枝入簾白日長
飛窻複道傳籌飲十夜銅盤膩燭黃禿衿小袖調鸚鵡
紫繡麻靴踏哮虎砍桂燒金侍曉筵白鹿清酥夜半煮
桐英永巷騎新馬內屋深屏生色畫開門爛用水衡錢
卷起黃河向身瀉皇天厄運猶曾裂秦宮一生花底活

鸞篋奪得不還人
醉睡氍毹滿堂月

苦晝短

飛光飛光勸爾一杯酒
吾不識青天高黃地厚
唯見月寒日暖來煎人
壽食熊則肥食蛙則瘦
神君何在太一安有天
東有若木下置銜燭龍
吾將斬龍足嚼龍肉使
之朝不得迴夜不得伏
自然老者不死少者不
哭何為服黃金吞白玉
誰似任公子雲中騎碧
驢劉徹茂陵多滯骨羸
政梓棺費鮑魚

艾如張

錦襜褕繡襠襦強飲啄爾雛隴東卧穉滿風雨莫信
籠媒隴西去齊人織網如素空張在野田平碧中網絲
漠漠無形影誤爾觸之傷首紅艾葉綠花誰剪刻中藏
禍機不可測

巫山高

碧叢叢高插天大江翻瀾神曳烟楚魂尋夢風颺然曉
風飛雨生苔錢瑤姬一去一千年丁香筇竹啼老猿古

祠近月蟾桂寒椒花墮紅濕雲閒

江南弄

江中綠霧起涼波天上疊巘紅嵯峩水風浦雲生老竹
渚暝蒲帆如一幅鱸魚千頭酒百斛酒中倒卧南山綠
吳歛越吟未終曲江上團團帖寒玉

榮華樂

一作東洛
梁客謠

鳶肩公子二十餘齒編貝唇激朱氣如虹蛻飲如建瓴
走馬夜叫叫嚴更逕穿複道游椒房龍裘金玦雜花光

玉堂調笑金樓子臺下戲學邯鄲倡口吟舌話稱女郎
錦祛繡面漢帝旁得明珠十斛白璧一雙新詔垂金曳
紫光煌煌馬如飛人如水九卿六官皆望履將迴日月
先反掌欲作江河唯畫地我我虎冠上切雲竦劍晨趨
凌紫氛繡段千尋貽阜隸黃金百鎰貺家臣十二門前
張大宅晴春烟起連天碧金鋪綴日雜紅光銅龍鬣環
似爭力瑤姬凝醉卧芳席海素籠窻空下隔丹穴取鳳
充行庖攬攬如拳那足食金蟾呀呀蘭燭香軍裝武妓

聲琅璫誰知花雨夜來過但見池臺春草長嘈嘈絃吹
匝天開洪崖簫聲遶天來天長一矢貫雙虎雲弮絕騁
聒早雷亂袖交竿管兒舞吳音綠鳥學言語能教刻石
平紫金解送刻毛寄新兔三皇后七貴人五十校尉二
將軍當時飛去逐彩雲化作今日京華春

沙路曲

柳臉半眠丞相樹珮馬釘鈴踏沙路斷燼遺香裏翠烟
燭騎嘯烏上天去帝家玉龍開九關帝前動笏移南山

獨垂重印押千官金窠篆字紅屈盤沙路歸來聞好語
旱火不光天下雨

高軒過

韓員外愈皇甫侍御
湜見過因而命作

華裾織翠青如葱金環壓轡搖玲瓏馬蹄隱耳聲隆隆
入門下馬氣如虹云是東京才子文章鉅公二十八宿
羅心胃元精照耀貫當中殿前作賦聲摩空筆補造化
天無功龐眉書客感秋蓬誰知死草生華風我今垂翅
附冥鴻他日不羞蛇作龍

長平箭頭歌

漆灰骨末丹水沙淒淒古血生銅花白翎金箭雨中盡
直餘三脊殘狼牙我尋平原乘兩馬驛東石田蒿塢下
風長日短星蕭蕭黑旗雲溼懸空夜左魂右魄唬肌瘦
酪瓶倒盡將羊炙蟲棲雁病蘆筍紅迴風送客吹陰火
訪古沈瀾收斷鏃折鋒赤墾曾封肉南陌東城馬上兒
勸我將金換箬竹

江樓曲

樓前流水江陵道
鯉魚風起芙蓉老
曉釵催鬢語南風
抽帆歸來一日功
鼉吟浦口飛梅雨
竿頭酒旗換青苧
蕭騷浪白雲差池
黃粉油衫寄郎主
新槽酒聲苦無力
南湖一頃菱花白
眼前便有千里愁
小玉開屏見山色

染絲上春機

玉甕汲水桐花井
舊絲沈水如雲影
美人懶態燕脂愁
春梭拋擲鳴高樓
綵線結茸背複疊
白袷玉郎寄桃葉
為君挑鸞作腰綬
願君處處宜春酒

神弦曲

西山日沒東山昏旋風吹馬馬踏雲畫弦素管聲淺繁
花裙絳繡步秋塵桂葉刷風桂墜子青狸哭血寒狐死
古壁彩蚪金帖尾雨工騎入秋潭水百年老鴉成木魅
笑聲碧火巢中起

神絃

女巫澆酒雲滿空玉爐炭火香萼萼海神山鬼來座中
紙錢窸窣鳴颼風相思木帖金舞鸞攢蛾一唳重一彈

呼星召鬼歆杯盤山魃食時人森寒終南日色低平灣
神兮長在有無間神嗔神喜師更顏送神萬騎還青山

將進酒

琉璃鍾琥珀濃小槽酒滴真珠紅烹龍炮鳳玉脂泣羅
帷繡幕圍香風吹龍笛擊鼉鼓皓齒歌細腰舞況是青
春日將暮桃花亂落如紅雨勸君終日酌酌醉酒不到
劉伶墳上土

美人梳頭歌

西施曉夢綃帳寒香鬟墮髻半沉檀輓轡伊啞轉鳴玉
驚起芙蓉睡新足雙鸞開鏡秋水先解鬟臨鏡立象牀
一編香絲雲撒地玉釵落處無聲膩纖手卻盤老鴉色
翠滑寶釵簪不得春風爛漫惱嬌慵十八鬟多無氣力
妝成髮髻敬不斜雲裾數步踏雁沙背人不語向何處
下堦自折櫻桃花

官街鼓

曉聲隆隆催轉日暮聲隆隆呼月出漢城黃柳映新簾

柘陵飛燕埋香骨
碓碎千年日長白
孝武秦王聽不得
從君翠髮蘆花色
獨共南山守中國
幾迴天上葬神仙
漏聲相將無斷絕

崑崙使者

崑崙使者無消息
茂陵烟樹生愁色
金盤玉露自淋漓
元氣茫茫收不得
麒麟背上石文裂
蚪龍鱗下紅肢折
何處偏傷萬國心
中天夜久高明月

古鄴城童子謠效王粲刺曹操

鄴城中莫塵起探黑丸砍丈吏棘為鞭虎為馬團團走
鄴城下切玉劍射日弓獻何人奉相公扶轂來關右兒
香掃塗相公歸

近體詩

示弟

別弟三年後還家一日餘醪醕今夕酒緗帙去時書病
骨猶能在人間底事無何須問牛馬拋擲任臬盧

七夕

別浦今朝暗羅帷
午夜愁鵲辭穿線
月花入曝衣樓天
上分金鏡人間望
玉鈎錢塘蘇小小
又值一年秋

過華清宮

春月夜啼鴉宮簾隔御花雲生朱絡暗石斷紫錢斜玉
椀盛殘露銀鐙點舊紗蜀王無近信泉上有芹芽

謝秀才
有妾縞練改從於人
秀才引留之不得後
生感憶座人製詩嘲誚
賀復繼四首

誰知泥憶雲望斷梨花春
荷絲製機練竹葉剪花裙
月

明啼阿姊鐙暗會良人也識君夫壻金魚掛在身
銅鏡立青鸞燕脂拂紫綿腮花弄暗粉眼尾淚侵寒碧
玉破不復瑤琴重撥絃今日非昔日何人敢正看

洞房思不禁蠶子作花心灰暖殘香炷髮冷青蟲簪夜
遙鐙燄短睡熟小屏深好作鴛鴦夢南城罷擣碓
尋常輕宋玉今日嫁文鴛戟幹橫龍簷刀環倚桂窻邀
人裁半袖端坐據胡牀淚濕紅輪重棲烏上井梁

追賦畫江潭苑

吳苑曉蒼蒼宮衣水濺黃小鬟紅粉薄騎馬珮珠長路
指臺城迴羅薰袴褶香行雲霑翠輦今日似襄王

寶袜菊衣單蕉花密露寒水光蘭澤葉帶重剪刀錢角
暖盤弓易鞞長上馬難淚痕霑寢帳勻粉照金鞍

剪翅小鷹斜緇根玉鏃花鋏垂妝鈿粟箭箝釘文牙嚙
嚙啼深竹鷓鴣老溼沙宮官燒蠟火飛燼汙鉛華

十騎簇芙蓉宮衣小隊紅練香薰宋鵲尋箭踏盧龍旗
濕金鈴重霜乾玉鐙空今朝畫眉早不待景陽鐘

馮小憐

灣頭見小憐請上琵琶絃
破得春風恨今朝直幾錢
裙垂竹葉帶鬢溼杏花烟
玉冷紅絲重齊宮駕妾鞭

答贈

本是張公子曾名萼綠華
沈香燠小像楊柳伴啼鴉
露重金泥冷杯闌玉樹斜
琴堂沽酒客新買後園花

惱公

宋玉愁空斷嬌饒粉自紅
歌聲春草露門掩杏花叢
注

口櫻桃小添眉桂葉濃曉奩妝秀靨夜帳減香筒鈿鏡
飛孤鵲江圖畫水蒨陂陀梳碧鳳腰褰帶金蟲杜若含
清露河蒲聚紫茸月分蛾黛破花合靨朱融髮重疑盤
霧腰輕乍倚風密書題且菴隱語笑芙蓉莫鎖茱萸匣
休開翡翠籠弄珠驚漢燕燒蜜引胡蠶醉纈拋紅網單
羅挂綠蒙數錢教姹女買藥問巴賔勻臉安斜雁移銓
想夢能腸攢非束竹弦急是張弓晚樹迷新蝶殘蛻憶
斷虹古時填渤澥今日鑿崆峒繡沓褰長幔羅裙結短

封心搖如舞鶴骨出似飛龍井檻淋清漆門鋪綴白銅
隈花開兔徑向壁印狐蹤玳瑁釘簾薄琉璃疊扇烘象
牀綠素柏瑤席卷香葱細管吟朝幌芳醪落夜楓宜男
生楚巷梔子發金墉龜甲開屏濕鶯毛滲墨濃黃庭留
衛瓘綠樹養韓馮雞唱星懸柳鷓啼露滴桐黃娥初出
座寵妹始相從蠟淚垂蘭燼秋蕪掃綺櫳吹笙翻舊引
沽酒待新豐短佩愁填粟長絃怨削松曲池眠乳鴨小
閣睡娃僮褥縫笊雙綫鈎緇辮五總蜀烟飛重錦峽雨

澗輕容拂鏡羞溫嶠薰衣避賈充魚生玉藕下人在石
蓮中含水灣蛾翠登樓漢馬髮使君居曲陌園令住臨
邛桂火流蘇暖金爐細炷通春遲王子態鶯囀謝孃慵
玉漏三星曙銅街五馬逢犀株防膽怯銀液鎮心忪跳
脫看年命琵琶道吉凶王時應七夕夫位在三宮無力
塗雲母多方帶藥翁符因青鳥送囊用絳紗縫漢苑尋
官柳河橋閔禁鐘月明中婦覺應笑畫堂空

王濬墓下作

人間無阿童猶唱水中龍
白草侵烟死秋梨遠地紅
古書平黑石神劍斷青銅
耕勢魚鱗起墳科馬鬣封
菊花垂溼露棘逕卧乾蓬
松栢愁香澀南原幾夜風

貴公子夜闌曲

裊裊沈水烟烏啼夜闌景
曲沼芙蓉波腰圍白玉冷

馬詩

忽憶周天子驅車上玉山
鳴騶辭鳳苑赤驥最承恩
此馬非凡馬房星本是星
向前敲瘦骨猶自帶銅聲

劉叔去忽忽如今不
豢龍夜來霜壓棧
駿骨折西風
催榜渡烏江
神騅泣向風
吾王今解劍
何處逐英雄
唐劍斬隋公
拳毛屬太宗
莫嫌金甲重
且去捉颯風
伯樂向前看
旋毛在腹間
祇今培白草
何日驀青山
武帝愛神仙
燒金得紫烟
殿中皆肉馬
不解上青天
昌谷讀書示巴童

蟲響銓光薄
宵寒藥氣濃
君憐垂翅客
辛苦尚相從

出城寄權璩楊敬之

草暖雲昏萬里春
宮花拂面送行人
自言漢劍當飛去
何事還車載病身

南園

花枝草蔓眼中開
小白長紅越女腮
可憐日暮嬌香落
嫁與春風不用媒

宮北田塍曉氣酣
黃桑飲露窳宮簾
長腰健婦偷攀折
將餽吳王八八爾蠶

竹裏綠絲挑網車
青蟬獨噪日先斜
桃膠迎夏香琥珀

自課越儂能種瓜

三十未有二十餘
白日長飢小甲蔬
橋頭長老相哀念
因遺戎韜一卷書

男兒何不帶吳鉤
收取關山五十州
請君暫上凌烟閣
若箇書生萬戶侯

尋章摘句老雕蟲
曉月當簾挂玉弓
不見年年遼海上
文章何處哭秋風

長卿牢落悲空舍
曼倩恢諧取自容
見買若耶溪水劍

明朝歸去事猿公

春水初生乳燕飛黃蜂小尾撲花歸窻舍遠色通書幌
魚擁香鈎近石磯

泉沙與卧鴛鴦暖曲岸迴篙舫遲瀉酒木蘭椒葉蓋
病容扶起種菱絲

邊壤今朝憶蔡邕無心裁曲卧春風舍南有竹堪書字
老去溪頭作釣翁

長巒谷口倚嵇家白晝千峯老翠華自履藤屨收石蜜

手牽苔絮長莖花

松溪黑水新龍卵桂洞生硝舊馬牙誰為虞卿裁道帔

輕綃一匹染朝霞

昌谷北園新筍

斫取青光寫楚辭膩香春粉黑離離無情有恨何人見

露壓烟啼千萬枝

酬答

金魚公子夾衫長密裝腰鞬割玉方行處春風隨馬尾

柳花偏打內家香

御定全唐詩錄卷五十一

欽定四庫全書

御定全唐詩錄卷五十二

盧仝

仝自號玉川子洛陽人累舉不第韓愈為河南尹
愛其詩厚禮之後因宿王涯第中遂預甘露之禍
仝老無髮奄人於腦後加釘焉以為添丁之兆

宋韓盈序曰玉川先生履道守正之節見於昌黎
退之之文當時洛中才名碩德者如溫石二處士

咸應辟署吏於諸侯唯先生自顧俯仰不能與世
合築環堵以居休焉遂志而浩浩自娛又傳先生
春秋之學舉世莫得見其書但歌詩百篇鏤板已
行於世其為體峭挺嚴放脫畧拘維特立羣品之
外要夫指事措意於救物之為忠憤深切者矣

古體詩

寄男抱孫

別來三得書書道違離久書處甚麤殺且喜見汝手殷

十七又報汝丈頗新有別來纔經年囊益未合斗當是
汝母賢日夕加訓誘尚書當畢功禮記速須剖嚙囉兒
讀書何異摧枯朽尋義低作聲便可養年壽莫學村學
生麤氣強叫吼下學偷功夫新宅鋤藜莠乘涼勸奴婢
園裏耨葱韭遠籬編榆棘近眼栽桃柳引水灌竹中滿
池種蓮藕撈漉蛙蝥脚莫遣生科斗竹林吾最惜新筍
好看守萬籜苞龍兒攢迸溢林藪吾眼恨不見心腸痛
如搗宅錢都未還債利日日厚籜龍正稱冤莫殺入汝

口丁寧囑托汝汝活籙龍不殷十七老儒是汝父師友
傳讀有疑誤輒告誥問取兩手莫破拳一吻莫飲酒莫
學捕鳩鴿莫學打雞狗小時無大傷習性防已後頑發
苦惱人汝母必不受任汝惱弟妹任汝惱姨舅姨舅非
吾親弟妹多老醜莫惱添丁郎淚子作面垢莫引添丁
郎赫赤日裏走添丁郎小小別吾來久久脯脯不得喫
兄兄莫撻搜他日吾歸來家人若彈紉一百放一下打
汝九十九

月蝕詩

新天子即位五年歲次庚寅斗柄插子律調黃鍾森森
萬木夜殭立寒氣聳負頑無風爛銀盤從海底出出來
照我草屋東天色紺滑凝不流水光交貫寒臃臃初疑
白蓮花浮出龍王宮八月十五夜比並不可雙此時怪
事發有物吞食來輪如壯士斧斫壞桂似雪山風拉摧
百鍊鏡照見膽平地埋寒灰火龍珠飛出腦却入蚌蛤
胎摧環破壁眼看盡當天一搭如煤炘磨縱滅跡須臾

間便似萬古不可開不料至神物有此大狼狽星如撒
沙出爭頭事光大奴婢炷暗燈揜莢如玳瑁今夜吐燄
長如虹孔隙千道射戶外玉川子涕泗下中庭獨自行
念此日月者太陰太陽精皇天要識物日月乃化生走
天汲汲勞四體與天作眼行光明此眼不自保天公行
道何由行吾見陰陽家有說望日蝕月月光滅朔月掩
日日光缺兩眼不相攻此說吾不容又孔子師老子云
五色令人目盲吾恐天似人好色即喪明幸且非春時

萬物不嬌榮青山破瓦色綠水永崢嶸花枯無女艷鳥
死沈歌聲頑冬何所好偏使一目盲傳聞古老說蝕月
蝦蟇精徑圓千里入汝腹汝此癡骸阿誰生可從海窟
來便解緣青冥恐是睚眦間揜塞所化成黃帝有四目
帝舜重瞳明二帝懸四目四海生光輝吾不遇二帝滉
漭不可知何故瞳子上坐受蟲豸欺長嗟白兔搥靈藥
恰似有意防姦非藥成滿白不中度委任白兔夫何為
憶昔堯為天十日燒九州金爍水銀流玉燭

音炒

丹砂焦

六合烘為窯堯心增百憂帝見堯心憂勃然發怒決洪流立擬沃殺九日妖天高日走沃不及但見萬國赤子
穢穢生魚頭此時九御導九日爭持節幡幢旒駕車
六九五十四頭蛟螭虬掣電九火轉汝若蝕開齟齬輪
銜轡執索相爬鉤推蕩轟匄入汝喉紅鱗燄鳥燒口快
翎鬣倒側聲酸鄒撐腸拄肚礪礪如山丘自可飽死更
不偷不獨填飢坑亦解堯心憂恨汝時當食箴頭撒腦
不肯食不當食張脣哆嘴食不休食天之眼養逆命安

得上帝請汝劉嗚呼人養虎被虎齧天媚墓被墓瞎乃
知恩非類一一自作孽吾見患眼人必索良工設想天
不異人愛眼固應一安得嫦娥氏來習扁鵲術手操春
喉戈去此睛上物其初猶朦朧既久如抹漆但恐功業
成便此不吐出玉川子又涕泗下心禱再拜額榻砂吐
中地上蟣虱臣全告愬帝天皇臣心有鐵一寸可剗妖
墓癡腸上天不為臣立梯蹬臣血肉身無由飛上天揚
天光封詞付與小心風颭排闥闥入紫宮密通玉几前

壁坼奏上臣仝頑愚曾敢死橫干天代天謀其長東方
蒼龍角插戟尾押風當心開明堂統領三百六十鱗蟲
坐理東方宮月蝕不救援安用東方龍南方火鳥赤潑
血項長尾短飛跋躡頭戴丹冠高達枿月蝕鳥宮十三
度鳥為居停主人不覺察貪向何人家行赤口毒舌毒
蟲頭上喫却月不啄殺虛貶鬼眼明突窻上音挾鳥罪
下音血不可雪西方攫虎立踣踣斧為牙鑿為齒偷犧牲食封
豕大墓一鬻固當軟美見似不見是何道理爪牙根天

不念天天若准擬錯准擬北方寒龜被虵縛歲頭入殼
如入獄虵筋束繫束破殼寒龜夏鼈一種味且當以其
肉充臙死殼沒信處唯堪支牀脚不堪鑽灼與天下卜
歲星主福德官爵奉董秦忍使黔婁生覆尸無衣巾天
失眠不弔歲星胡其仁熒惑矍鑠翁執法大不中月明
無罪過不糾蝕月蟲年年十月朝太微支盧謫罰何災
凶土星與土性相背反養福德生禍害到人頭上死破
敗今夜月蝕安可會太白真將軍怒激鋒芒生恒州陣

斬鄴定進項骨脆甚春蔓菁天唯兩眼失一眼將軍何
處行天兵辰星任廷尉天律自主持人命在盆底固應
樂見天盲時天若不肯信試喚臯陶鬼一問一如今日
三台文昌宮作上天紀網環天二十八磊磊尚書郎整
頓排班行劍握他人將一肆太陽側一肆天市傍操斧
代大匠兩手不怕傷弧矢引滿反射人天狼呀啄明煌
煌癡牛與駮女不肯勸農桑徒勞含淫思旦夕遙相望
蚩尤簸旗弄旬朔始搥天鼓鳴璫琅枉矢能虵行眊目

森森張天狗下砥地血流何滂滂
譎險萬萬黨架構何可當
眯目豐成就害我光明王
請留北斗一星相北極
指麾萬國懸中央此外盡
掃除堆積如山罔贖我
父母光當時常星沒殞
雨如迸漿似天會事發
叱喝誅姦強何故中道廢
自遺今日殃善善又惡
惡郭公所以亡願天神
聖心無信他人忠玉川
子詞訖風色緊格格近
月黑暗邊有似動劍戟
須臾癡蠢精兩吻自決
拆初露半箇壁漸吐滿
輪魄衆星盡原赦一蠢
獨誅磔腹肚忽脫

落依舊掛穹碧光彩未蘇來慘澹一片白奈何萬里光
受此吞吐厄再得見天眼感荷天地力或問玉川子孔
子修春秋二百四十年月蝕盡不收今子咄咄詞頗合
孔意不玉川子笑答或請聽逗遛孔子父母魯諱魯不
諱周書外書大惡故月蝕不見收子命唐天口食唐土
唐禮過三唐樂過五小猶不說大不可數災沴無有小
大瘡安得引哀周研覈其可否日分晝月分夜辨寒暑
一主刑一主德政乃舉孰為人面上一目偏可去願天

完兩日照下萬方土萬古更不替萬萬古更不替照萬

古

臣按月蝕詩艱澁難讀各本互異不同今編索諸家抄本刻本一一考訂庶覺大從理順不似絳州園池

也記

附韓愈傲玉川子月蝕詩

元和庚寅斗插子月十四日三更中森森萬木夜僵

立寒氣鬪肩頑無風月形如白盤完上天東忽然
有物來噉之不知是何蟲如何至神物遭此狼狽凶
星如撒沙出攢集爭強雄油燈不照席是夕吐燄如

長虹玉川子涕泗下中庭獨立念此日月者為天地
之眼睛此猶不自保吾道何由行嘗聞古老言疑是
蝦蟇精徑圓千里納女腹何處養女百醜形爬沙脚
手鈍誰使女解緣青冥黃帝有四目帝舜重其明今
天祇兩目何故許食使偏盲堯呼大水浸十日不惜
萬國赤子魚頭生女於此時若食日雖食八九無噉
名赤龍黑鳥燒口熱翎鬣倒側相搪撐婪酣大肚遭
一飽飢腸徹死無由鳴後時食月罪當死天羅磕石

何處逃女刑玉川子立於庭而言曰地行賤臣全再
拜敢告上天公臣有一寸刃可剗凶墓腸無梯可上
天天階無由有臣蹤寄牋東南風天門西北祈風通
丁寧附耳莫漏洩薄命正值飛廉慵東方青色龍牙
角何呀呀從官百餘座嚼啜煩官家月蝕汝不知安
用為龍窟天河赤鳥司南方尾秃翅鰭沙月蝕於汝
頭汝口開呀呀蝦蟇掠汝兩吻過忍學省事不以汝
觜啄蝦蟇於菟蹲於西旗旄衛毳筆既從白帝祠又

食於蜡禮有加忍今月被惡物食枉於汝口插齒牙
烏龜怯姦怕寒縮頸以殼自遮終令夸娥扶女出卜
師燒錐鑽灼滿板如星羅此外内外官瑣細不足科
臣請悉掃除慎勿許語令啾譁併光全耀掃我月盲
眼鏡淨無纖瑕弊蛙拘送主府官帝箸下腹嘗其膳
依前使兔操杵白玉階桂樹間娑娑姮娥還宮室太
陽有室家天雖高耳屬地感臣赤心使臣知義雖無
明言潛喻厥旨有氣有形皆吾赤子雖忿大傷忍殺

孩稚還女明月安行于次盡釋衆罪以蛙磔死

示添丁

春風苦不仁呼逐馬蹄行人家慚愧瘴氣却憐我入我
憔悴骨中為生涯數日不食強強行何忍索我抱看滿
樹花不知四體正困憊沉人啼哭聲呀呀忽來案上翻
墨汁塗抹詩書如老鴉父憐母惜捫不得却生癡笑令
人嗟宿春連曉不成米日高始進一碗茶氣力龍鍾頭
欲白憑仗添丁莫惱爺

有所思

當時我醉美人家，美人顏色嬌如花。
今日美人棄我去，青樓珠箔天之涯。
娟娟姮娥月，三五盈又缺。
翠眉蟬鬢生別離，一望不見心斷絕。
心斷絕，幾千里，夢中醉卧巫山雲。
覺來淚滴湘江水，湘江兩岸花木深。
美人不見愁人心，含愁更奏綠綺琴。
調高絃絕無知音，美人兮，美人不知為暮雨，
今為朝雲相思。一夜梅花發，忽到窻前疑是君。

樓上女兒曲

誰家女兒樓上頭指揮婢子掛簾鉤
林花撩亂心之愁
卷却羅袖彈箜篌
箜篌歷亂五六絃
羅袖掩面啼向天
相思絃斷情不斷
落花紛紛心欲穿
心欲穿憑欄干
相憶柳條綠相思
錦帳寒直綠感君恩
愛一迴顧使我雙
淚長珊珊
我有嬌靨待君笑
我有嬌蛾待君掃
鶯花爛漫君不來
及至君來花已老
心腸寸斷誰得知
玉階羅歷生青草

走筆謝孟諫議寄新茶

日高丈五睡正濃軍將打門驚周公云諫議送書信
白絹斜封三道印開緘宛見諫議面手閱月團三百片
聞道新年入山裏蟄蟲驚動春風起天子須嘗陽羨茶
百草不敢先開花仁風暗結珠琲瑠先春抽出黃金芽
摘鮮焙芳旋封裹至精至好且不奢至尊之餘合王公
何事便到山人家柴門反關無俗客紗帽籠頭自煎喫
碧雲引風吹不斷白花浮光凝碗面一碗喉吻潤兩碗

破孤悶三椀搜枯腸唯有文字五千卷四椀發輕汗平生不平事盡向毛孔散五椀肌骨清六椀通仙靈七椀喫不得唯覺兩腋習習清風生蓬萊山在何處玉川子乘此清風欲歸去山上羣仙司下土地位清高隔風雨安得知百萬億蒼生墮在巔崖受辛苦便為諫議問蒼生到頭還得蘇息否

憶金鷲山沈山人

君家山頭松樹風適來入我竹林裏一片新茶破鼻香

請君速來助我喜莫合九轉大還丹莫讀三十六部大
洞經閒來共我說真意齒下領取真長生不須服藥求
神仙神仙意智或偶然自古聖賢放入土淮南雞犬驅
上天白日上昇應不惡藥成且輒一丸藥暫時上天少
問天虵頭蝎尾誰安着

直鈎吟

初歲學釣魚自謂魚易得三十持釣竿一魚釣不得人
鈎曲我鈎直哀哉我鈎又無食丈王已沒不復生直鈎

之道何時行

苦雪寄退之

天生二月行時令白銀作雪漫天涯
山人門前偏受賜
平地一尺白玉沙
雲顏月壞桂英下
鶴毛風剪亂參差
山人屋中凍欲死
千樹萬樹飛春花
菜頭出土膠入地
山莊取粟埋却車
冷絮刀生削峭骨
冷螿斧破慰老牙
病妻烟眼淚滴滴
飢嬰哭乳聲
啾啾市頭博米不用物
酒店買酒不肯賒
聞道西風弄劍戟
長街殺人如亂麻

天眼高開欺草芽我死未肯興歎嗟但恨口中無酒氣
劉伶見我相揶揄清風攪腸筋力絕白灰壓屋梁柱斜
聖明有道缺命漢可得拜見朝日耶柴門沒脛晝不掃
黃昏遶樹棲寒鴉唯有河南韓縣令時時醉飽過貧家

近體詩

自詠

為報玉川子知君未是賢低頭雖有地仰面輒無天骨
肉清成瘦葛蔓老覺羶家書與心事相伴過流年

物外無知己人間一癖王生涯身是夢耽樂酒為鄉日
月黏髭鬢雲山鎖肺腸愚公只公是不用漫驚張

常州孟諫議座上聞韓員外職方貶國子博士有

感

忽見除書到韓君又學官死生從有命人事始知難烈
火先燒玉庭蕪不養蘭山夫與刺史相對兩巔岿

何事遭朝貶如何被不容不知思所自只欲涕無從爵
服何曾好荷衣已慣縫朝官莫相識歸去老巖松

劉乂

又失其字里少任俠殺人會赦出更折節讀書善
歌詩嘗客韓愈門作冰柱雪車二詩出盧孟右後
以爭語不能下賓客因持愈金數斤去曰此諛墓
中人得耳不若與劉君為壽歸齊魯不知所終

古體詩

自古無長生勸姚合酒

奉子一杯酒為子照顏色但願顯上紅莫管頰下白自

古無長生生者何戚戚登山勿厭高四望都無極丘隴
逐日多天地為我窄祇見李書真對之空脈脈何曾見
天上著得劉安宅若問長生人昭昭孔丘籍

答孟東野

酸寒孟夫子苦愛老又詩生澁有百篇謂是瓊瑤辭百
篇非所長憂來豁窮悲唯有剛腸鐵百鍊不柔虧退之
何可罵東野何可欺文王已云歿誰顧好爵縻生死守
一丘寧計飽與飢萬事付杯酒從人笑狂癡

勿執古寄韓潮州

古人皆執古不辭凍餓悲令人亦執古自取行坐危老
菊凌霜葩擗松抱雪姿武王亦至明寧哀首陽飢仲尼
豈非聖但為互鄉嗤寸心生萬路今古禁若絲逐逐行
不盡茫茫休者誰來恨不可過去悔何足追玉石共笑
唾駑驥相奔馳請君勿執古執古徒自隳

冰柱

師干久不息農為兵兮民重嗟騷然縣宇土崩水潰畹

中無熟穀壠上無桑麻王春判序百卉茁甲含葩有客
避兵奔游僻跋履險阨至三巴貂裘蒙茸已敝縷鬢
髮蓬肥雀驚鼠伏寧遑安處獨卧旅舍無好夢更堪走
風沙天人一夜剪瑛瑤詰旦都成六出花南畝未盈尺
織片亂舞空紛拏旋落旋逐朝暎化簷間冰柱若削
出交加或低或昂小大瑩潔隨勢無等差始疑玉龍下
界來人世齊向茅簷布爪牙又疑漢高帝西方未斬蛇
人不識誰為當風杖莫邪鑑鏜冰有韻的皪玉無瑕不

為四時雨徒於道路成泥粗不為九江浪徒能汨沒天
之涯不為雙井水滿甌泛泛烹春茶不為中山漿清新
馥鼻盈百車不為池與沼養魚種芰成靈靈不為醴泉
與甘露使名異瑞世俗誇特稟朝澈氣潔然自許靡間其邇
遐森然氣結一千里滴瀝聲沈十萬家明也雖小暗之
大不可遮勿被曲瓦直下不能抑羣邪奈何時逼不得
時在我目中倏然漂去無餘些自是成毀任天理天於
此物宜有忒賒反令井蛙壁蟲變容易背人縮首競

呀呀我願天子迴造化藏之韞櫝玩之生光華

雪車

臘令凝締三十日續紛密雪一復一孰云潤澤在枯荄
闐闐餓民凍欲死死中猶被豺狼食官車初還城壘未
完備人家千里無烟火雞犬何太怨天不卹吾眚如何
連夜瑤花亂皎潔既同君子節沾濡多著小人面寒鏢
侯門見客稀色迷塞路行商斷小小細細如塵間輕輕
緩緩成樸蔌官家不知民餒寒盡驅牛車盈道載屑玉

載載欲何之祕藏深宮以禦炎酷徒能自衛九重間豈
信車轍血點點盡是農夫哭兵刃殘喪後滿野誰為載
白骨遠戍久乏糧太倉誰為運紅粟戎夫尚逆命偏箱
鹿角誰為敵士夫困征討買花載酒誰為適天子端然
少旁求股肱耳目皆姦慝依違用事佞上方猶驅饑民
運造化防暑阨吾聞躬耕南畝舜之聖為民吞蝗唐之
德未聞攄孽苦蒼生相羣相黨上下為蠹賊廟堂食祿
不自慚我為斯民歎息還歎息

近體詩

自問

自問彭城子何人接汝顛酒腸寬似海詩膽大于天斷
劍徒勞匣枯琴無復絃相逢不多合賴是向林泉

入蜀

望空問真宰此路為誰開峽色侵天去江聲滾地來孔
明深有意鍾會亦何才信此非人事悲歌付一杯

獨飲

盡欲調太羹自古無好手所以山中人兀兀但飲酒

嘲荆卿

白虹千里氣血頭一劍義報恩不到頭徒作輕生士

觀八駿圖

穆王八駿走不歇海外去尋長日月五雲望斷阿母宮
歸來落得新白髮

賈島

島字浪仙

一作閻仙

范陽人初為浮圖名無本能詩元

和中元白尚輕淺島獨變格入僻以矯艷俗當其
苦吟寢食俱廢雖行值公卿貴人不覺也來東都
韓愈竒之令反初服教其為文應舉累上不第文
宗時坐飛謗貶長江主簿會昌初以普州司倉參
軍遷司戶未受命卒

紀事云島初為僧洛陽令禁僧午後不得出寺賈
有詩自傷云不如牛與羊猶得日暮歸韓愈貽之
詩云孟郊死葬北邙山日月星辰頓覺間天恐文

章中斷絕再生賈島在人間由是振名

撫言云島為詩甚苦嘗跨驢張蓋橫截天街時秋風正厲黃葉可掃島忽吟曰落葉滿長安求聯句不得因唐突京兆尹劉栖楚被繫一夕乃得釋或云島騎驢賦詩得僧推月下門之句欲改推作敲引手作推敲之勢未決不覺衝韓愈乃具言愈曰敲字佳矣遂並轡論詩久之

島不善程文試日每巡鋪告人曰乞一聯乞一聯

久不第為病蟬吟刺公卿及為裴晉公池亭詩時
人惡其不遜與平曾等目為舉場十惡因同奏貶

古體詩

古意

碌碌復碌碌百年雙轉轂志士中夜心良馬白日足俱
為不等閒誰是知者目別來兩淚盡誰向荆山哭

客喜

客喜非實喜客悲非實悲百迴信到家未當身一歸未

歸長嗟愁嗟愁填中壤開口吐愁聲還却入耳來常恐
滴淚多自損兩目輝鬢邊雖有絲不堪識寒衣

翫月

寒月破東北賈生立西南西南立倚何立倚青青杉近
月有數星星名未詳諳但愛杉倚月我倚杉為三月乃
不上杉上杉難相叅眇子細視睛瞳桂枝斲目常有
熱疾久視無煩炎以手捫衣裳零露已濡霑久立雙足
凍時向股胫淹立久病足折兀然齩膠粘他人應以睡

轉喜此景恬此景亦胡及而我苦淫耽無異市井人見
金不知廉不知此夜中幾人同無厭待得上頂看未擬
歸枕函強步望寢齋步步情不堪步到竹叢西東望如
隔簾却坐竹叢外清思刮幽潛量知愛月人身願化為
蟾

冬月長安雨中見終南雪

秋節新已盡雨疎露山雪西峯稍覺明殘滴猶未絕氣
侵瀑布水凍著白雲穴今朝灞澁雁何夕瀟湘月想彼

石房人對雪扉不閉

必結切

易州登龍興寺樓望郡北高峯

郡北最高峯巉巖絕雲路朝來上樓望稍覺得幽趣
朦朧碧烟裏羣嶺若相附何時一登陟萬物皆下顧

望山

南山三十里不見踰一旬冒雨時立望望之如朋親
虬龍一掬波洗蕩千萬春日日雨不斷愁殺望山人
天事不可長勁風來如奔陰淫一以掃浩翠瀉國門長安百

萬家家家張屏新誰家最好山我願為其鄰

劉景暘東齋

松陰連竹影中有無苔井清風此地多白日空自永景
暘公幹孫詩句得真景勸我不須歸月出東齋靜

攜新文詣張籍韓愈途中成

袖有新成詩欲見張韓老青竹未生翼一步萬里道仰
望青冥天雲雪壓我腦失却終南山惆悵滿懷抱安得
西北風身願變蓬草地祇聞此語突出驚我倒

寄孟協律

我有弔古泣不泣向路歧揮淚灑暮天滴著桂樹枝別
後冬節至離心北風吹坐孤雪扉夕泉落石橋時不驚
猛虎嘯難辱君子詞欲酌空覺老無以堪遠持宮堯倚
角窻王屋懸清思

寄劉栖楚

趨走與偃卧去就自殊分當窻一重樹上有萬里雲離
披不相顧髣髴類人羣友生去更遠來書絕如焚蟬吟

我為聽我歌蟬宜聞歲暮儻旋歸晤言桂氛氲

寄遠

別腸多鬱紆宜能肥肌膚始知相結密不若相結疎
別恨應少密離恨難祛門前南流水中有北飛魚魚飛
向北海可以寄遠書不惜寄遠書故人今在無況此數
尺身阻彼萬里途自非日月光難以知子軀

近體詩

新年

嗟以龍鍾貌如何歲復新石門思隱久銅鏡強窺頻花
發新移樹心知故國春誰能平此恨豈是北宗人

夏夜

原寺偏鄰近開門物景澄磬通多葉罅月離片雲稜寄
宿山中鳥相尋海畔僧唯愁秋色至下可在炎蒸

病起

高丘歸未得空自責遲回身事宜能遂蘭花又已開病
令新作少雨阻故人來燈下南華卷驅愁當酒杯

雪暗晚望

倚杖望松雪溪雲幾萬重
樵人歸白屋寒日下危峯
野火燒岡草斷烟生石松
却回山寺路聞打暮天鐘

江亭晚望

浩渺浸雲根烟嵐沒遠材
鳥歸沙有跡帆過浪無痕
望水知柔性看山欲倦魂
縱情猶未已迴馬欲黃昏

京北原作

登原見城闕策蹇思炎天
日午路中客槐花風處蟬
遠

山秦樹上清渭漢陵前何事居人世皆從名利牽

春行

去去行人遠塵隨馬不窮旅情斜日後春色早烟中流
水穿空館閒花發故宮舊鄉千里思池上綠楊風

暮過山村

數里聞寒水山家少四鄰怪禽啼曠野落日恐行人初
月未終夕邊烽不過秦蕭條桑柘外烟火漸相親

旅游

此心非一事書札若為傳舊國別多日故人無少年空
巢霜葉落疎牖水螢穿留得林僧宿中宵坐默然

僻居無可上人相訪

自從居此地少有事相關積雨荒鄰圃秋池照遠山
中枯葉落枕上斷雲間野客將禪子依依偏往還

宿孤館

落日投村宿愁生為客途寒山晴後綠秋月夜來孤橘
樹千株在漁竿一半無自知風水靜舟擊岸邊蘆

雨後宿劉司馬池上

藍溪秋漱玉此地漲清澄
蘆葦聲兼雨芡荷香遶燈
岸頭秦古道亭面漢荒陵
靜想泉根本幽崖落幾層

題長江廳

言心俱好靜廨署落暉空
歸吏封宵鑰行蛇入古桐
長江頻雨後明月衆星中
若任遷人去西溪與剡通

能改齋漫

錄長江縣廳前果有古桐人以賈詩不忍伐大觀中令胡同老惡其枯斫去

題皇甫荀藍田廳

任官經一年縣與玉峯連竹籠拾山果瓦瓶擔石泉客
歸秋雨後印鎖暮鐘前久別丹陽浦時時夢釣船

題李凝幽居

閒居少鄰並草徑入荒園鳥宿池邊樹僧敲月下門過
橋分野色移石動雲根暫去還來此幽期不負言

早春題友人湖上新居

近得雲中路門長侵早開到時猶有雪行處已無苔勸
酒客初醉留茶僧未來每逢晴暖日惟見乞花栽

白少山人集卷五十二
卷五十二
門不當官道行人到亦稀故從餐後出多是夜深歸開
篋收詩卷掃牀移臥衣幾時同買宅相近有柴扉

題竹谷上人院

禪庭高鳥道迴望極川原樵徑連峯頂石泉通竹根木
深猶積雪山淺未聞猿欲別塵中苦願師貽一言

懷博陵故人

孤城易水頭不忘舊交遊雪壓園碁石風吹飲酒樓路
遙千萬里人別十三秋吟苦相思處天寒水急流

憶江上吳處士

閩國揚帆去，蟾蜍缺復圓。
秋風吹渭水，落葉滿長安。
此地聚會夕，當時雷雨寒。
蘭橈殊未返，消息海雲端。

思遊邊友人

凝愁對孤燭，昨日飲離杯。
葉下故人去，天中新雁來。
連沙秋草薄，帶雪暮山開。
苑北紅塵道，何時見遠回。

蔣亭和蔡湘州

蔣宅為亭榭，蔡城東郭門。
潭連秦相井，松老漢朝根。
已

積蒼苔徧何曾舊徑存高齋無事後時復一攜樽

山中道士

頭髮梳千下休糧帶瘦容養雛成大鶴種子作高松白石通宵煮寒泉盡日春不曾離隱處那得世人逢

寄山友長孫栖霞

此時氣蕭颯琴院可應關鶴似君無事風吹雨遍山松生青石上泉落白雲間有逕連高頂心期相與還

寄胡遇

一自殘春別經炎復到涼螢從枯樹出蛩入破堦藏落
葉書勝紙間砧坐當牀東門因送客相訪也何妨

送朱可久歸越中

石頭城下泊北固暝鐘初汀鷺衝潮起船窻過月虛吳
山侵越衆隋柳入唐疎日欲躬調膳辟來何府書

送唐環歸敷水莊

毛女峯當戶日高頭未梳地侵山影掃葉落露痕書松
逕僧尋藥沙泉鶴見魚一川風景好恨不見吾廬

送田卓入華山

幽深足暮蟬驚覺石牀眠瀑布五千仞草堂瀑布邊壇
松涓滴露嶽月沈寥天鶴過君須看上頭應有仙

送僧歸太白山

堅冰連夏處太白接青天雲塞石房路峯明雨外巔夜
禪臨虎穴寒漱撇龍泉後會不期日相逢應信緣

哭孟郊

身死聲名在多應萬古傳寡妻無子息破宅帶林泉塚

近登山道詩隨過海船故人相弔後斜日下寒天

弔孟協律

才行古人齊生前品位低葬時貧賣馬遠日哭惟妻孤
塚北邙外空齋中嶽西集詩應萬首物象徧曾題

題劉華書齋

白石床無塵青松樹有鱗一鶯啼帶雨兩樹合從春荒
榭苔膠砌幽叢果墮榛偶來疎或數當暑夕勝晨露滴
星河水巢重草木薪終南同任意趙北獨遊身渡葉司

天漏驚蛩遠地人機清公幹族池草卧漳濱

落第東歸逢僧伯陽

相逢須語笑人世別離頻曉去長侵月思鄉動隔春見
僧心暫靜從俗事多迤宇宙詩名小山河客路新翠桐
猶入爨清鏡未辭塵逸足思奔驥隨羣且退鱗宴乖紅
杏寺愁在綠楊津老病難為樂開眉賴故人

寄武功姚主簿

居枕江沱北情懸渭曲西數宵曾夢見幾處得詩披驛

路穿荒坂公田帶淤泥靜棋功奧妙間作韻清淒鋤草
留叢藥尋山上石梯客迴河水漲風起夕陽低空地苔
連井孤村火隔溪卷簾黃葉落鎖印子規啼隴色澄秋
月邊聲入戰聲會須過縣去況是屢招攜

上谷旅夜

世難那堪恨旅遊龍鍾更是對窮秋故園千里數行淚
鄰杵一聲終夜愁月到寒窻空皓晶風翻落葉更颼颼
此心不向常人說倚識平津萬戶侯

早秋寄題天竺靈隱寺

峯前峯後寺新秋絕頂高
窻見沃州人在定中聞蟋蟀
鶴從棲處挂獼猴山鐘夜渡空
江水汀月寒生古石樓
心憶挂帆身未遂謝公此地昔年游

上杜駙馬

玉山突兀壓乾坤出得朱門入戟門
妻是九重天子女身為一品令公孫
鴛鴦殿裏叅皇后龍鳳堂前賀至尊
今日灋陽非久駐佇為霖雨拜新恩

贈某翰林

清重無過知內制，從前禮絕外庭人。
看花在處多隨駕，召宴無時不及身。
馬自賜來騎覺穩，詩緣見徹語長新。
應憐獨向名場苦，曾十餘年浪過春。

贈圓上人

誦經千紙得為僧，麈尾持行不拂蠅。
古塔月高聞呪水，新壇日午見燒燈。
一雙童子澆紅藥，百八真珠貫綠繩。
且說近來心裏事，仇讎相對似親朋。

劍客

十年磨一劍霜刃未曾試今日把似君誰為不平事

夜坐

蟋蟀漸多秋不淺蟾蜍已沒夜應深三更兩鬢幾枝雪
一念雙峯四祖心

題興化園亭

破却千家作一池不栽桃李種薔薇薔薇花落秋風起

荊棘滿庭君始知

古今詩話云賈島狂狷行薄執政惡之不與選裴晉公于興化里作池亭

島題詩云云人
皆惡其不遜

題隱者居

雖有柴門常不關
片雲孤木伴身閒
猶嫌住久人知處
見擬移家更上山

尋石甕寺上方

野寺入時春雪後
崎嶇得到此房前
老僧不出迎朝客
已住上方三十年

題青龍寺

碣石山人一軸詩終南山北數人知
擬看青龍寺裏月
待無一點夜雲時

渡桑乾

客舍并州已十霜
歸心日夜憶咸陽
無端更渡桑乾水
却望并州是故鄉

過京索先生墳

京索先生三尺墳
秋風漠漠吐寒雲
從來有恨君多哭
今日何人更哭君

題戴勝

星點花冠道士衣
紫陽宮女化身飛
能傳上界春消息
若到蓬山莫放歸



御定全唐詩錄卷五十二